



17. august 2012

EM 2012/37

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imattoq matumuuna saqqummiuppara:

**Inuiaqatigiinni ajornartorsiutinut iluarsisassanut allat aningaasaleeqataasinnaanerat paasiniarlugu aningasaateqarfiiit ikiuiniaqatigiit allallut kattuffiit ikiuiniaqatigiit ujartuiffigineqarsinnaanersut pillugu apeqquteqaat allaavigalugu oqallinnissamik siunnersuut**

(Inatsisartunut ilaasortaq Andreas Uldum, Demokraatit)

### **Tunngavilersuut**

Tungiuinerup pitsangorsarnissaanut siunnersuutit pitsaasut ajunngitsussamillu siunertallit isumassarsiatsialaaginnartarput siunnersuutaaginnarlutillu piviusunngortinnissaat akissaqartinneqanngimmat.

Periarfissatut eqqartukulasartagарput ujarternerli ajungarput tassaavoq aningasaateqarfinnut aningaasassarsiortarnissaq aamma aningasaateqarfinnik pineqartunik iliuuseqarfigerusutatsinnik sulialinnik suliaqatissarsiornissaq.

Aningasaateqarfinnut aningaasaliisussarsiorluni qinnuteqartarneq misilittagaqarfigaарput. Tamannalu nuanniitsortaqlunilu nuannersortaqarpoq. Inatsisartuni ilaasortat arlallit eqqaamajunnarsivaat Illeqartut sananeqarnissaanut atatillugu aningasaateqarfiiit annertuumik akileeqataatinniarnissaat pilersaarummut ilaankuummat. 2001-mi taamani Kulturimut Illeqartut 2004-mi upernaakkut ataatsimiimmat Nunanik Allanut politikki pillugu taavalu Inatsisartut 2004-mi upernaakkut ataatsimiimmat Nunanik Allanut politikki pillugu nassuaammi Naalakkersuisut iluarismaarinillutik nalunaarput, aningaasassarsiornermi ataqtigiissaarisussamik atorfinitisitsisoqarsimasoq kiisalu aamma ilaatigut amerikap avannaani ikorfartuisussamik tusaamasanik qulinik inuttaqartumik pilersitsisoqarsimasoq. Taamani tigussaasumik qinnuteqaatit 157-t suliarineqarsimapput USA-mi Canadamilu aningasaateqarfinnut



nassiunneqartussat. Taamani suliaasoq aallartinneqarsimavoq 2002-mi aggustip qaammataani taamaasillunilu ukiut marluk missaani ingerlareersimalluni, taavami aningaasat qassinuku pissarsiarineqartut? Tja, 2005-mimi majimi danskit aningaasaateqarfiit pingasut nalunaarsimapput katillugit 900.000 koruuninik aningaasaliiniarlutik, pequsersuinissamut kusassaanissamullu. Avataaneersut aningaasaateqarfiit aningaasaleeqataatinniarlugit suliaq amingartuungaatsiarfiuvoq, sulisut akissarsiaannut angalanerannullu aningaasartuutit katersanut naleqqiullugit amerlanerusimammata. Paarlattuanik ilisimatusarfissap akissaa 2005-mi 191 mio. koruuninut qaffappoq.

Paarlattuanik peqqinnissaqarfiup iluani aningaasaateqarfiit ikuiniaqatigiit pitsasumik misilittagaqarfigaagut. Assersuutigalugu

*A. P Møller aamma Hustru Chastine Mc-Kinney Møllers fond til almene Formaal*  
ningaasaateqarfiata 2007-mi Nuummi Dronning Ingridip Napparsimavissuni pisoqat nutarterlugit nakorsiartarfiliornissamut kiisalu pilattaavissap ilusilersoqqinneranut nakorsiartarfiullu 140 millioner koruunit aningaasaliissutigai. Tamanna qujamasuutigeqaarput, qujarusullatalu. Aamma Aage V. Jensen peqqinnissaqarfiup inuiaqatigiillu qujassutissaqarfigeqaat tamannalu Inatsisartut Siulittaasoqarfiata nersortariaqarluarpaa.

Assersuutissat taaneqartut tunngavigalugit inerniuliuttariaqarpoq, sioqqutsilluni annertuumik aningaasaateqarfiit naliginnaasut ikuiniaqatigiillu ikuunnissaat isumallutiginaaveersaartariaqarpoq, taamaattumik aningaasanut inatsisissami akisussaassuseqarluni pingaarnersiunissaq siunissarlu ungasissoq isigalugu piviusorsiortumik pilersaarusiornissaq politikkikkut anguniakkat ersarissut tunngavigalugit, aqqutissaavoq qularnaatsoq, suliassanut nutaanut pissanganartunullu aningaassassarsiortoqassatillugu. Kisianni taamaakkaluarpalluunniit aningaasaateqarfiit ikorsiinissaat ikorfiinissaallu anguniarlugu misiliisoqartariaqarpoq.

Tigussaasunngortitsiniarluni ukiuni makkunani periarfissatut pissanganartutut taaneqarsinnaavoq "Bill og Melinda Gates Foundation"-p qinnuteqarfiginissaa assersuutigalugu sakialluutip akiorneqarnissaanut atatillugu. Aningaasaateqarfik pillugu paassisutissat annertunerusut pissarsiarineqarsinnaapput nittartakkami [www.gatesfoundation.org](http://www.gatesfoundation.org). Aamma nittartakkami takuneqarsinnaavoq ilinniartitaanermut atatillugu ikorsiisoqarsinnaasoq, piitsuussutsip akiorniarneranut atatillugu, pujortarnerup akiorniarneranut atatillugu, peqqinnanngitsunik



nerisaqarnermut atatillugu, kapuinernut atatillugu, illoqarfiiq ineriertortinnerannut atatillugu, angerlarsimaffeqanngitsunut atatillugu aamma soorlu nunalerinerup ineriertortinneranut atatillugu. Allatut oqaatigalugu immikkoortut, Kalaallit Nunaanni tapiiffisariaqartutut pisariaqartut.

Eqiigalluta ujarliinnartussaavugut suliagut imaannaanngissinnaasut ineriertortsiniarnerpullu takoqqullugit taamaattumik kissaatigaarput siunnersuuteqarnitsigut Naalakkersuisut peqquneqassasut, tungiinermi pitsangorsaanissat aallartinnissaat piviusunngortinnissaallu anguniarlugit suleqqinnerminni eqiiganeroqqullugit.

Tamatumunnga atatillugu aamma Naalakkersuisut kaammattorusuppagut Greenland Businessip suliaanut ilisimasaqarnerulerniaqqullugu. Ingerlatseqatigiiffiup ullumikkut suliari ilaatigut Nunarsuarmi suleqatigiinneq – Northern Periphery Programme (NPP) aama Nordisk Atlantsamarbejde (NORA) kiisalu EU- p suliniutaasa, NORA, Kalaallit Nunaannit atorneqarsinnaasut paasitsitsiniutigineri allallu nunarsuup sinnerani suleqatigeeriaatsit. Periarfissat taakku maannamut naleqqiullugu atorniarnerusariaqarput tamatsinnut iluaqutaasumik.

### **Pisortanut aningaasatigut allaffissornikkullu kingunissai**

Aningaasaateqarfinnut qinnuteqarneq qinnuteqaatinillu tunniussineq kiisalu ingerlaavartumik suliaqarneq attavissarsiornerlu kiisalu nunani allani aningaasaateqarfinnut kattuffinnullu Kalaallit Nunaanni pisariaqartinneqartunik soqtiginnilersitsiniarnissaq allaffisornermi sulisoqarnissamik pisariaqartitsipput mikinngitsumik, annertussusissaali oqaatigineqarsinnaanngikkallarpoq. Kukkunerussaarli eqqarsassagaanni tamakku ullaap tungaata ingerlaniinnaani naammassineqarsinnaasut immersugassamik immersuinerinnakkut. Aamma paaseqqissaaqqaartariaqarpoq aningaasaateqarfiit sunut tapiinissaminntu soqtigisaqarnersut, Ilimmarfimmi misilitakkat eqqaallugit.

Aningaasaateqarfiit assigiinngitsut Kalaallit Nunaannut aningaasaleerusussappata kinguneqarluartussaavoq oqaatigineqarsinnaanngilarli qanoq iluaqusiitigissanersut.

### **Namminersorlutik Inuutissarsiortunut aningaasatigut allaffissornikkullu kingunissai**

Ajortunik kingunissaqanngilaq.



**Innuttaasunut aningaasatigut allaffissornikkullu kingunissai**

Ajortunik kingunissaqanngilaq.